

بۆۋەننى ب تى

ئىسماعىل سگىرى

---

---

نامىلك: بۇ ژىنى ب تىنى

نقىسەر: ئىسماعىل سگىرى

دەرھىنانا ھونەرى: مستەفا ھەجى مەھىدى

چاپا: چارى ساللا ۲۰۰۷

ھەژمارا سپارتىنى: ۱۹۹۹/۸/۲۲ ل ۳۲۷

بەلاڧكرن: پەرتوكخانانا جىزىرى

---

## ديارى

بۇ دەيبابىت من ئەوئت چۆينه بەر دلۇقانىيا  
خودى.. هيقييا هندی ببته جهى لینهگرتنى ژ  
لايى خوديڭقه، ژ بەر وئ تهخسيرييا دبیت من د  
دەرھەقى واندا كربیت.

---

## پیشگوئن

گەلەك پسیاریت تایبەت ب ژنیقە دەاتنە  
بەرنامەیی (پسیار و بەرسف) ل رادیوویا دەۆکی /  
دەنگی یەگرتوو.. ئەم پالداين ئاخفتنی بدەینی و  
شریتەیهکی بۆ تۆمارکەین، بەلی هەرۆهکی قیژی ب  
تنی، ب دورستی هەوجەیی نەقەتاند، و پسیاریت  
وان بەردەوام ییت بۆ بەرنامەیی دئین. قیجا ئەف  
نامیلکەیه خزمەتەکە ژ لایئ منقە، بۆ دەیک و  
خویشکیت هیژا، دا ل بەر دەستی وان بیت، بەلکی د  
گەل کاسییتی بەیافی هەوجەییی پتر بگریت،

---

ھېقىيە جھى سوود و مفايى بيت، خودى ل من  
نەگرە ئەگەر كەتېمە د خەلەتىيېدا چونكى ئەق  
كارە سپەھى و ژ دل من بەس بۆ خودى يە و  
ھېقىيە بەس بۆ خۆ وەرگريت، و ھەر ئەو دزانيت  
كا چ د دلاندايە و ئنيەت بۆ كى يە.

ئىسماعيل سگىرى

رۇژا ئەينى ۲۸/رەمەزانى/۱۴۱۹

---

## بوژنی ب تنی تیبیزییهك دقیت بیته گوتن

دهیک و خویشکیت هیژا ئەفه چەند ریزەکن،  
تایبەتن ب کچا موسلمانقه هیقییا مه ئەوه جهی  
مفایى بیت، و دەستپیکى هیقیدارین تیبیزیییت  
خواری بەرچاڤ بیینه وەرگرتن:

۱. ئاخفتنا مه د قى نامیلکیدا راسته وخۆ بوژنی  
ب تنی یه ژ بهر هندی ئەم چو بەرتەنگیى  
نابینین ئەگەر تستان ب ئاشکەرایى دیارکەین.

۲. ئەو تشتیت دبنه پەردە و نەهیلن ژن خو د  
دینی خوڤا شارەزا بکەن نابیژنی (حیاء) ئەوا کو  
پەسنی وئ ب چاکى د فەرموودەیییت پیغەمبەریدا  
(ﷺ)، هاتىیه کەرن و دقیت (حیاء) ژنی گەرم کەت  
پتر دویقچۆن و لیگەریانی د دینی خوڤا بکەت.

---

عائشا (رضي الله عنها) دبیثیت: ئەسما ھاتە نە  
پێغەمبەری و گۆتی: ئەی پێغەمبەری خودی، ئەم  
ژن ئەگەر ژ بی نقیژیی بۆرین، چەوا خۆ پاقر  
کەین؟ پێغەمبەری گۆتی: ئاڤ و (سابوینا سیدرا)  
خۆ بینیت پاشی دەستنیژا خۆ بشۆت پاشی بلا  
سەری خۆ بشۆت و بپەرخینیت ھەتا ئاڤ دگەھیتە  
ئاڤ ھەمی پرچی، پاشی بلا ئاڤی ب لەشی خۆدا  
بکەت.

پاشی بلا ھندە پەمبی ھەلگەریت و خۆ پی  
پاقرکەت، گۆت: چەوا ئەی پێغەمبەری خودی؟  
گۆتی: (خۆ پی پاقر کەت) جارەکا دی گۆت چەوا؟  
عائشا دبیثیت: من زانی کا پێغەمبەری چ  
مەخسەدە، ئینا من گۆتی جھێ خوینی پی  
پاقرکەت<sup>(1)</sup>.

بەرى خۇبىدى كا ئەقى چ پىسار كر و چەوا  
پىسار كر ھەمى ژ بەر ھندى، دا دىنى خۇدا  
شارەزا بىت و برىار و ئەھكامىت دىنى خۇ بزانىت.  
۲- عائىشا دىبىژىت: ئەزىال دەق پىغەمبەرى  
بووم، دەىكا سەلىمى ھاتە دەق و گۆتى: ئەى  
پىغەمبەرى خۇدى: ئەرى ژن ژى وەكى زەلامى  
خەونى دىبىنىت، و ئەوا زەلام دىبىنىت ئەو ژى  
دىبىنىت (يان ئەوا بۇ زەلامى چىدبىت بۇ ژنى ژى  
چىدبىت؟).. عائىشا دىبىژىت: من گۆتى: وەى بۇ تە  
ئەفە چ ئاخقتنە تو دىبىژى ئەى دەىكا سەلىمى تە  
ھەتكا ژنان بر، ئىنا پىغەمبەرى (ﷺ) بەرى خۇ دا  
عائىشايى و گۆتى: (ئەى عائىشا تە خىرە، وەى بۇ  
تە ئەو چ ئاخقتنە تو دكەى، بەلى خەونى دىبىنىت  
و ھەكە وەسا دىت بلا سەرى خۇ بشۆت)<sup>(۲)</sup>.



۳- عائیشا دبیثیت: ژنیٲ ژ ههمیٲان چیٲر  
ژنیٲ خه لکی مه دینه یینه.. شهرمی ئه و نه دانه  
پاش د دینی خوډا شارهزا نه بن و پسیارا دینی خو  
نه کهن<sup>(3)</sup>.

خویشکا هیژا پشتی قی روٲن کرن و ریخو شکر نی،  
ئه م وان جوینیٲ خوینی دی دیار کهین ئه ویٲ ژن  
دبیینیت، ئه و خوینیٲ دقییٲ ژن تیٲدا یا شارهزا بیت  
و بریار و ئه حکامیٲ وان بزانیٲ، دا بزانیٲ کا  
چهوا دی خو ژئی تاهر و پاقرکهت.

## ژن سی جونیټ خوینی دبینیت؛

۱- خوینا (عادئ)یه؛ ئانکوو حهیزی کو ئهم دبئژینی؛ خوینا بی نقیژیی (کراسی بی نقیژیی).

۲- خوینا نیفاسی (یا بچویکبوونی)؛ ئهو خوینه ئهوا د گهل بچویکبوونی دئیت، یان ژی وهختی بچویک ل بهر دچیت.

۳- خوینا ئستیجازی کو پشتی عادئ دئیت.

ب ئانههیا خودئ ب کورتی و ساناهی دی ئه حکامیت قان ههرسی رهنگیت خوینان بو ژنا موسلمان دیارکهین.

۱- جوینا ئیکی؛ خوینا عادئ یه؛ ئانکوو بی نقیژیی، ئهفه ئهو خوینه؛ ئهوا ژن دبینیت، نه ژ

---

بەر بچوویکبوونی یان ژ نه ساخییی، و ئەف خوینە  
بو ژنی دبیتە عادەت و هەمی هەیفان دبینیت، و  
ئەف خوینە تشتەکی سروشتییه، هەروەکی  
پینگەمبەر (ﷺ) دببیت: (دیتنا خوینی تشتەکه،  
خودی بو کچیت ئادەمی قیایی و حەزکرییه)<sup>(٤)</sup>.  
فیجا فییری دەرفەتە ئەم چافینک و ئیشارەتەکی  
بدەینە دیاردەیهکا نه جوان د ناڤ ژاندا ئەوژی  
ئەفەیه:

گەلەك جاران مروۆفی گولی دبیت ژن ئان كچ  
دببیت: ئەفە چ کراسە ژن دکەفیتە تیدا؟! ئەفە چ  
خوینە ژن دبینیت؟! هەما هەر ژ بەر بی ئیقباڵیا  
وی یە! هندی ژنا بی ئیقباڵە لەوا قی خوینی  
دبینیت!

---

<sup>4</sup> - بوخاری و بەیھەقی فەگبیرایە.

فِيْجَا دِيْ بِيْنِيْ يَا زُوْ عِيْجَزَهْ وَهَخْتِيْ دَكَهْفِيْتَهْ  
د فِى كِرَاسِيْدَا وَ خُوِيْنِيْ دَبِيْنِيْت.

بِهَلِيْ نُهْگَهْر بَزَانِيْت كَا چ كَهْرَهْمَه خُوْدِيْ (ب)  
دِيْتِنَا فِىْ خُوِيْنِيْ) د گَهْل كَرِيْ؟ وَ كَا نُهْفْ خُوِيْنَه چ زُوْ  
وِيْ دَدَهْتَه پَاش، وَ نُهْگَهْر نُهْفْ خُوِيْنَه نَه دِيْتَبَا كَا دَا  
چ ب سَهْرِيْ وِيْ نِيْت، شُوِيْنَا نُهْفْ بِيْزَارِيْ يَه كَرَبَا، دَا  
پَتْر شُوْكِرَا خُوْدِيْ كَهْت، دَا پَتْر خُوْدِيْ ل بِيْرَا خُوْ  
نِيْنِيْت نَه خَاسَمَه دَهْمِيْ دَكَهفْتَه د فِى كِرَاسِيْدَا.

چُوْنِكِي زُوْن هَهْر هَهْيَقِيْ خَهْرَزَهْ كِي پَهِيْدَا دَكَهْت،  
وَ نُهْفْ خَهْرَزَه ( ) د نَافْ خُوِيْنِيْ دَا پَهِيْدَا دَبِيْت، وَ  
نُهْفْ خُوِيْنَا هَهْنِيْ پِيْس دَبِيْت، فِيْجَا نُهْگَهْر نُهْفْ  
خُوِيْنَه دَهْرَنَه كَهْفِيْت، دِيْ بِيْتَه نُهْگَهْرِيْ هَنْدِيْ خُوِيْنَا  
پِيْس بَمِيْنِيْتَه د لَهْشِيْ زُوْنِيْ دَا، يَان زُوْ د نَافْ لَهْشِيْ  
وِيْ دَا بَگَهْرِيْ يْت، نُهْگَهْر زُوْنِيْ نَه نِيْخِيْتَه بَهْر مَرْنِيْ، دِيْ

---

به‌رهنگاری ئيزا و زيان و ئيشان كهت، يان ژى دى  
خهرزى پيسكهت و بيته نه‌گهري نه‌هیلانا ژيانى  
تيدا، د نه‌نجامدا عه‌يال نابن. قيچا ژ كه‌رم و خنيكا  
خودى، ژن هه‌يفى جاره‌كى قى خوينا دبينييت و ب  
قى ره‌نگى نه‌ف خوينا پيس ژ له‌شى دهرده‌فويت،  
قيچا نه‌فه كه‌رمه و نه بى ئيقبالى و به‌خت  
ره‌شىيه، و نه‌گه‌ر هه‌ر هه‌يفى د گه‌ل په‌يدا‌بوونا  
خهرزى خوينا نه ديتبا، دا به‌رهنگارى مه‌ترسىييت  
(نه‌نجام پيس) بيت.

---

## ژییی چهندي ژن خوینی دبینیت:

عادهتهن کچ د ژییی (۹) سالییی ویقهه دا قی  
خوینی دبینیت.

بهری قی ژی:

و ئهگهر بهری قی ژی کچی خوین دیت نائیته  
ههژمارتن عاده و بی نقیژی، و ئهحکام و بریاریت  
بی نقیژی و عادئ ناکهفنه سهر. ئهفه مه زانی  
باراپتر ژ ژنان ژ ژییی (۹) سالییی ویقهه دهست پی  
دکهن و قی خوینی دبینن.. بهلی یا فهره بزانیین کا  
ههتا ژی و عهری چهندي قی خوینی دبینیت؟.

- هنده زانا دبیزن: ئهف چهنده یا گریدایه ب  
سهروبهري ژنانقه، ئانکوو نائیته سنووردارکرن، ژ ژنهکی  
بو یا دی جودایه، دبیت ئهف کراسه د گهل ئیکی  
ههتا ژیهکی دریز فهکیشیت و ئیکا دی وهسا نهبیت.

---

- هنده زاناييت دى دبیژن: ههتا سالا (۵۰) یی  
دبنييت و ژ پینجی یی و یقه تر فی خوینی نابینیت،  
و ئەفه ژى فی چهندی دگههینیت کو ژ ژیی  
(۹-۵۰) سالی یی دبنييت، ئانکوو (۴۱) سالان ژن فی  
خوینی دبنييت.

و هه ر وهختی د نافبه را (۴۱) سالی یی ئەف خوینه  
دیت، خوینا عادئ یه و ئەحکامیت خو ییت ههین  
کو دئ پشتی چهنده کی ئینه دیار کرن.

به لی پیدقی یه ئەم بزانی مەر ج نینه کو ژن  
پشتی پینجی سالی یی نه که فیته د عادهیدا ژ بهر کو  
چو به لگه و نیشانی گۆمان بر بو مه ب فی چهندی  
ژ پیغه مبهری (ﷺ) نه هاتینه.

و هه ر گاڤا ژ نه کی ژ پینجی یی و یقه ئەف  
خوینه دیت بلا بزانی عادهیه و ئەحکامیت عادهی  
ل سه ر دئینه دانان.. راسته باراپتر ژ فی ژى نابین،  
به لی ئەگه ر هات و دیت هه ر ئەو حوکمی هه ی.

---

## نیشانا بالغبوون و گههشتنی؛

دیسا ههما کچی ئەف خوینە دیت رامانا وی ئەوه  
ئەف کچه بالغ بوو و گههشت، دقیت ئەحکامیت  
بالغبوونی ل سەر بیئە دانان ژ بەر کو ئەف خوینە  
نیشانە ل سەر هندی. و دقیت پستی فی. نقیژان  
بکەت و ژئ نەچن و روژیان بگریت و هەمی  
ئەرکیت ئیسلامی (ژ روژی و نقیژ و حەج و زەکات  
و هەلبەت ل دویف هەندەک مەرجان) ل سەر  
دکەفن.

---



## نیشانیت بالغبوونا كچی:

- ۱- دیتنا فی خوینی: خو ئەگەر بەری نەھ سالیی ژى بیت.
  - ۲- ئەگەر كچی خوین نەدیت و ژىی وى گەهشته پازده سالیی.
  - ۳- ئیحتیلام بو چیدبیت و خەونى ببینیت.
  - ۴- ل دویف گۆتتا هندەك زانایان ئەگەر موی ژى هاتن.  
و هەر گافا ئیك ژ فان نیشانان بو دیاربوون  
رامانا وى ئەووە ئەف كچه یا بالغ بووی و دقیت ب  
ئەركیت موسلمانەتیى راببیت.
-

## رهنگی خوینا عادئ:

(۱) قئ خوینی چهند رهنگیت ههین، ژ وان: رهنگهك ب تنئ یئ تایبهته ب خوینا عادئقه، ئهو ژئ ئهفهیه: یئ رهشه نیشان ل سهر چهندئ پیغمبهر (ﷺ) دبئیریته (فاتیما) یا کچا حوبهیشی: (هندیکه خوینا عادئ یه یا رهشه و یائاشکرایه.. قئجا ههر گافا ته ئهف رهنگه دیت، دقئیت تو خو بگری، و نقئیزان نهکهی و روژییان نهگری، و ههر گافا هاته گوهورین و بوو رهنگهکئ دی بزانه تو ژ عادئ دهرکهفتی و نقئیزئیت خو بکه)<sup>(۵)</sup>.

بهئ نهکوو ئهف رهنگه ب تنئ ههیه، بهلکی هندهك جار هندهك رهنگیت دی ژئ یئیت ههین، بهئ رهنگئ بنهتار و سهرهکی یئ رهشه.

---

<sup>5</sup> نهسانی و ئهبی داوودی فهگئیرایه.

(۲) رەنگى سۆر، بەلى دىقېت وەكى ژن فى رەنگى  
خوينى دىبىنىت، قان خالان بەرچاڧ وەرگىت:  
۱- ئەگەر د رۇژىت بى نقىژىيا خۇدا رەنگى  
خوينى يى سۆر دىت، ئەفە رامانا وى ئەوۋە كو خوينى  
عادى يە، و ئەحكامىت عادى دى كار پى كەت.  
۲- ئەگەر پىشىيى خوينى رەش دىت ھەتا رۇژىت  
وى يىت ئاشكرا (كا چارن يان پىنجن... ھتد، ھەر  
ئىكى ل دوىف عادا وى)) بۆرىن پاشى ئەف خوينە  
سۆر بوو، وى وەختى ئەو خوين نەيا عادى يە و  
بەس ئەو رۇژىت خوينى رەش ب تنى دئىنە  
ھەژمارتن عادە، و رۇژىت دى ئەوئت خوين تىدا  
سۆربووى نەعادەنە و حوكم و برىارىت خۇ يىت  
ھەين، ئەفە ژى ھەروەكى ئىمامى شافى دىبىت.  
و بەلگە ژى ئەو فەرموودەيا بۆرىيە يا فاتىمايا كچا  
حوبەيشى.

---

(۳،۴،۵) - رهنګی دییی فی خوینی رهنګی شیلییه

یان رهنګی تام سپی و رهشه وهکی ئافا پیس و  
شیلی، یان رهنګی زهر وهکی ئەدافی یان کیمی یه.

دیسا یا پیدفییه ئەگەر ژنی ئەف رهنګیت خوینی

دیتن دقیت تیبینییا فان خالییت خواری بکهت:

۱- کچا ژی و عهمری وی ژ (۹) سالییی کیمر یان

ژی کچا نه شوپکری ئەگەر فی رهنګی خوینی بهری

خوینا رهش یا عادئ ببینیت، ئەو خوین نهیا عادئ

یه و ئەحکامیت عادئ بو نینن، کچ دی هەر مینیت

پاقر و ههوجه ناکهت سهری خو بشوت، بهس د فی

کراسیدا دهستنقیژی دشکینیت و جهی فی دکهقیت

ژ جلاکان پیس دکهت.

۲- ئەگەر ژن پاقر بوو ژ عادئ و پشتی سهری

خو شوپشتی و پاقربووی، ژن فی رهنګی ببینیت،

دیسا نه عادهیه و بلا په‌ریشان نه‌بیت، ئەف خوینا

فی رهنګی بهس دهستنقیژی دئخیت.

---

بهلگه و نیشان ژى سهرهاتى يا دهىكا عهتیه‌ییه  
دبیژیت: (مه رهنگی شیلى و زهر، پشتی پاقربوونى  
نه‌حسیب دکر عاده و بی نقیژى)<sup>(1)</sup>.

ژ قى فهرمووده‌یى ئاشکه‌را دبیت کو پشتی  
پاقربوونا ژنى ژ عادى، ئەگەر خوینا شیلى یان  
زهراتى‌یه‌کى ببینیت ئەو نه عاده‌یه، و ژن یا پاقره،  
و دقیت روژى و نقیژیت خو ژ خو نه‌به‌ت.

۳. به‌لى ئەگەر ئەف رهنگی خوینى، وه‌کى هنده‌ک  
زانا دبیزن تیکه‌ل د گه‌ل خوینا خو و د روژیت  
خو‌دا دیت ، قى ده‌مى دى ئیته هه‌ژمارتن عاده،  
چونکى:

- ★ ئیک: تیکه‌لى یا خوینا وى یا سه‌ره‌کى بوو.
- ★ دوو: هه‌ر د روژیت خو ییت ئاشکه‌رادا دیت.

## خوينا عادى چەند روژان قەدكيشيت؛

باراپتر ژ زانايان دبیژن: ژ شەفەك و روژەكان  
كیمر نینه، ژ قى بۆچۆنى دئیتە زانین، ئەگەر  
شەفەك و روژەكان كیمر هاتە دیتن، ئەو  
نەعادهیه<sup>(7)</sup> و ژ پازدە روژان پتر ناكیشت.

دیسا ئەفە ژى وى دگەهینیت كو پشتى روژا  
پازدى نەعادهیه و دقیت سەرى خو بشۆت و  
نقىژیت خو بکەت، بلا خوین بەردەوام ژى بىت.

بەلگە و نیشان ژى فەرموودەیا پیغەمبەرى  
(ﷺ) دبیژیت: (دبیت ھندەك ژن ژ ھەوہ نیقا

---

<sup>7</sup> ھەر چەندە ھندەك زانا وەنا بیژن وەكى ئەوزاعى، دبیژن : دبیت ژن

ئىقارى ببینیت و سپىدى پاقریببیت یان ژى بەر وفاقى. بەلى پا جمھور د گەل  
ھندى یە كو وەختى وى یى ژ ھەمىیا كیمر شەفەك و روژەكن.

عەمرى خۇ نقيژان تيدا نەكەن.... فەرمووده)<sup>(۸)</sup>.  
ئەقە قى دگەھىنيت كو يا ھندەكان پازدە رۇژان  
دكيشيت و چو ھەيف ژ سيھ رۇژان نابۇرن ھەلبەت  
ھەيقيت عەسمانى، و ھەر ھەيقى پازدە رۇژان  
نقيژان تيدا نەكەن ئەقە رامانا وئ ئەوہ: نيشا  
عەمرى خۇ نقيژ تيدا نەكەن، ھەر وھكى  
پيغەمبەرى (ﷺ) گۆتى.

8

ھەرچەندە ئەقە فەرموديه گەلەكا لاوازە.. بەلى زاناييت بۇ قى

بۇچوونى چوين ئەقەنە: مالكى و شافعى و سەورى و ئەبو ھەنيفة بنيرە:

المغنى لابن قدامه ۱ / ۲۵۶.

## نەرى رۇژىت ھەمىيان ھندى ئىكن؟

دقپت ژن بزانت ئەف كراسە د مابەينا شەفەك  
و رۇژەكاندا ھەتا پازدە رۇژان قەدكيشيت. بەلى ھەر  
ژنەكى رۇژىت خو يىت خو سەر يىت ھەين. قىجا  
ھندەك چار رۇژان دبىنيت، و ھندەك سى رۇژان و  
ھندەك پىنج رۇژان، و ھندەك شەشان.. و ھندەك  
حەفت رۇژان.

بەلى كتيبىت فقھى دبىژن: باراپتر ژ ژنان عادا  
وان د ناقبەرا (۶-۷) رۇژاندايە، بەلى ئەفە ھندى  
ناگەھىنيت كىمتر يان پتر نينە، كىمتر دبىت ھەتا  
شەفەك و رۇژەكان و پتر دچىت ھەتا دەھ و دوازده  
و ھەتا پازدە رۇژان.

---



## ئەرى ژن چەوا دى رۇژىت خۇ زانىت؟

ئەرى ژن دى چەوا عادا خۇ زانىت؟ و دى كەنگى

زانىت ئەقە عادا وى يە؟

ژن ھەتا كو بزانىت رۇژىت وى چەندن و كا ھەر

جار چەند دمىنىت، دقېت ھەمى ھەيقان

سەحكەتى كا دى چەند رۇژان خوينا وى فەكىشىت

و يا پىدقىيە ژن فان تستان بزانىت:

۱- ھەيقا خۇ بزانىت كا چەند رۇژان تىدا يا

پاقژە، و چەندان ژى خوينا تىدا دبىنىت. و

رۇژىت خۇ نەھىلىتە ب ھىقىيا (دیتن و نەدیتنا)

خوینىقە ھەروەكى ھندەك نقىژى دەیلانە ب

ھىقىيا بانگىقە ئەگەر بانگ دا وەختى نقىژى يە،

و نوزانىت كەنگى وەخت دئىت و كەنگى ژى

دەردكە ڤىت ئەگەر ب بانگى نەبىت، ڤىجا ژن ژى  
ھەر وەبكەت نەزانىت كەنگى دئىت و كەنگى تمام  
دبىت.

بۇ نموونە ئەگەر عادا وئ پىنج رۆژ بن، دڤىت  
بزانىت پىنج رۆژان ژ سەرى ھەيڤى يان نىڤا  
ھەيڤى يان ژ سىكا وئ يا د عادەيدا، و (۲۵) رۆژان يا  
پاقرە.

۲- دڤىت بزانىت كا كەنگى خوینی دبىنىت،  
سەرى ھەيڤى يان نىڤا وئ يان دویمایىا وئ، دڤىت  
بزانىت كا ئەڤ (۵) رۆژە كەنگىنە و كا د كىش  
وختى دانە ژ ھەيڤى.

۳- دڤىت بزانىت كا كەنگى پاقرە دبىت، سەرى  
ھەيڤى يان دویمایىا وئ پاقرە دبىت.

---

ئەفە ھەمى بۇچى؟

ئەفە خالە د فەرن بزانىت چونكى ھەر دەمى وى  
ئەفە چەندە زانى و گرتن، وى وەختى ژنى عادى خۇ  
گرت و دەسنىشان كر، دەمى وى رۇژىت خۇ  
سنوورداركرن و گرتن، د وان رۇژاندا دى خۇ ژ نقيژ  
و رۇژىيان دەتە پاش، و ئەگەر ژى دەركەقت دى  
دەست ب نقيژ و رۇژىيىت خۇ كەت.

---

## ئەگەر ژ عادى خۇ پتر خوين ديت؟

ھەر وەختى وى زىدەتر ژ عادا خۇ خوين ديت،  
دقيت بزانيت ئەو رۇژييت زىدە، ئستيجازەنە نە  
عادەنە.

ل قيىرى دبيت ئەف پسيارە بيىتە پيش و دبيت ل  
سەر دلى گەلەك ژنانە و ھەزدكەن بيىتەكرن: ئەرى  
عادە ھندە رۇژ بوون و ھندى كيىشا؟ (ھەر جار  
پيىنج رۇژ بوون. قى ھەيشى ب تنى دەھ رۇژان  
كيىشا).

ئھا ئەفە وى وەختى دى پيىنج رۇژان ب تنى خۇ  
گريت و ژ پيىنجان ويىقە دى سەرى خۇ شۆت و  
ھەمى ئەرك دكەقنە سەر.

---

## ئەگەر روژىت خۇنەزانىن؟

ئەگەر كچى يان ژنى عادى خۇنەزانى كا چەند روژان خوينى دبىنىت، و چەند روژان ياقىر دبىت، وى وهختى دى چەوا حسىب كەت، و بەردەوام خوينى دبىنىت؟ ئەگەر ژن يا هۇسا بيت و بەرى هينگى روژىت خۇنەگرتىنە، عادا وى دى ئىتە حسىبكرن ل دويىف عادا باراپىر ژ ژنىت وى دەقەرى، نەخاسمە ژنىت نىزىكى وى و مروڤ و كەس و كارىت وى ژ ژنان، و باراپىر ژى د ناقبەرا قان دوو روژاندانە شەش يان حەفتن.

ژنەكى خوينى وى هەر دەھات و نەدزانى كانى كەنگى خوينى عادى يە و كەنگى نە و بەرى هينگى روژىت خۇنەدزانىن كا چەندن و كەنگىنە، و پسىارا خۇب (ئوم سەلەمە) كر، ئىنا (ئوم سەلەمە)

---

ھاتە دەق پېغەمبەرى ھەر ئەو پىسار ژ پېغەمبەرى  
(ﷺ) گر، ئىنا گۆتى: (بلا وان شەق و رۆژیت بەرى  
نوگە خوین تىدا دىت، كا چەند بوون، بلا خو تىدا  
بگرىت و نىقزان تىدا نەكەت، و پاشى بلا خو  
بشوت و نىقزىت خو دەست پى بکەت)<sup>(۹)</sup>.

## دى ب چ زانىت ژبى نىقزىيى دەرکەقت؟

دوو رىك يىت ھەين بو قى زانىنى:

۱- ئەگەر رەنگى خوینى ھاتە گوھورین ژ

رەشاتىيى بو زەراتىيى، يان شىلى بوو و بۆرى.

۲- ئەگەر رۆژیت خو زانىن ژ ھەيقى كا چەندن،

وى وەختى ئەق رۆژیت ئاشكرا بۆرىن رامن ئەوہ ژ

عادى دەرکەقت.

## ھندەك تىبىنى د گەل پاقزىيى؛

پىدقىيە ئەگەر ژن ياقزبوو تىبىنىيا فان خالان  
باش بكتە، كا ئەو چ وەختە تىدا پاقزبوو:

۱- ئەگەر بەرى بانگى سپىدى پاقزبوو: بلا  
بزانىت نىقرا سپىدى لى كەفت دقیت ژى نەچىت،  
دىسا ئەگەر رەمەزان بىت دقیت وى ۆرژىيى ژى  
بگريت.

۲- بەلى ئەگەر پىشتى بانگى سپىدى پاقزبوو  
رۆژىيا وى رۆژى ل سەر نىنە، بەلى نىقرا سپىدى يا  
وى رۆژى لى دكەفىت و دقیت ژ خۇ نەبەت.

۳- دىسا پىدقىيە تىبىنىيا وى وەختى بكتە  
ئەوى ئەو تىدا پاقزبوو كانى چ وەختە، وەختى چ  
نقىژى يە، ئەو نقىژ ل سەر كەفت، ھندەك ژن

---

وهختى عهيشا پاقتر دبن، بهلى خو گىرو دكهن ههتا  
سپىدى، ب قى رهنكى ئهو يا گونههكاره، ژ بهر كو  
وى نقيژا عهيشا و سپىدى ل خو برن.

۴- راسته وهختى پاقتر بوو ل سهر ناكه قيت  
ئىكسهر و بى گىروكرن سهرى خو بشوت، بهلى پا  
پيدىيه هند گىرو نهكته وهختى وى نقيژى  
ببورىت؛ ئانكوو ئه گهر دهستپىكا نقيژا نيقرو  
پاقتر بوو بلا هند گىرو نهكته ههتا وهختى نقيژا  
ئىقارى دئيت و نقيژا نيقرو لى دچيت.

۵- ئه گهر د ههيقا رهمه زانيدا بيت و بهرى بانگى  
مه غره ب، خو ب چهند وهخته كى كيم زى بيت،  
دقيت روژى يا خو بخوت و روژى يا وى دكه قيت.  
ديسا ئه گهر بهرى بانگى سپىدى ب دهمه كى كيم زى  
پاقتر بوو، دقيت وى روژى يا ب روژى بيت.

---



شەنگستەكى زېرىن د فى بابەتيدا ئەوہ كو ژن  
بزانيت كەنگى دى ئەحكامىت پاقزىيى ل سەر خو  
دانيت و كەنگى يىت بى نقيزىيى:  
هەر وهختى خوین ديت و زانى يا عادى يه  
دقیت خو بگريت و نقيزان نەكەت، و هەر گاڤا  
ياقزبوو يان رەنگى وى ھاتە گوھۆرىن، دقیت خو  
بشۆت و نقيزىت خو بکەت.. خو بلا بيستەك ژى  
بيت، ھەر وھكى ئبن عەبباس فى چەندى دبيزىت.

---

## نەرى رۆژ بە لاقە دىن؟

دبیت عادا ژنى د هه یقه كیدا هندەك جارن  
بە لاقە دبیت، بەلى گەلەك كىم، ئەگەر بىژین: چار  
رۆژن بەلى ئەق چار رۆژە ل گەلىك نەهاتن.. و ئەق  
چار رۆژە، سەرى هەيىق رۆژەكى هات، وپاقرىبوو،  
پشتى دەھ رۆژان رۆژەكا دى هات، پشتى هینگى  
پاقرىبوو، و ب چەند رۆژەكىت دى جارەكا دى  
رۆژەكى دیتەقە، ئەرى حوكمى قى كراسى چیه؟  
حوكمى قى ل دوىف گۆتتا كورى عەبباسى  
(~~حەسەن~~) دى هۆسا دبیت: ئەگەر ژنى خوين دبیت بلا  
نقىژان نەكەت، و ئەگەر پاقرىبوو خو هەكە  
سەعەتەك دبیت، بلا خو بشۆت و نقىژان بكەت.

---

ڦيرئ پسيارهك گهلهك جاران دئيتهكرن و  
دبيژن: ئهري ئهه و نقيژ و روژييت كهفتينه د  
ناقبهرا وان روژاندا كا چهوانن و ئهه روژييت  
گرتين كا دي گريتهفه يان نه؟ بهرسف نهخير  
ناگريتهفه و نقيژ و روژييت وي د دورستن.

## **خوينا بچويكبووني:**

جويني دووي پشتي خوينا عادي دبيژني:  
(نفاس) ئانكوو خوينا د گهل بچويكبووني و ئهه  
خوينه ئههوا ژن دبينييت پشتي بچويكبووني.. يان  
پشتي بچويكي وي ل بهر دچيت.

---

## نەف خوينە چەند دىمىنىت؟

ب كىمى چ سنوور و توخىب بو نىنن، دبىت  
پشتى بچوئىكبوونى ب دەمەكى كىم بىتە  
راوستاندن و دبىت چەند بىستەكان خوئىن  
نەكىشىت ژ بەر قى چەندى يا پىدقئىيە ژنا بچوئىك  
دبىت تىبىنىيا فان خالان بكەت:

۱- ھەر گاڤا خوئىنا وئى راوستانيا پشتى بچوئىكبوونى  
يان بەرچوونى، دقئىت خو بشووت و نقىژئىت خو  
بكەت، خو ھەكە سەعەتەك ژى بىت. قئىجا ئەگەر  
سەعەتەكى كئشا يان روژەكى يان دوويان، پىدقئىيە  
بزانىت كو ئەقە (چلكە) و چلك نە يا گرئىدايىيە ب  
چل روژانقە، بەلئى ب راوستانيا خوئىنقئىيە.

۲- چ فەرق و جوداھى د ناقبەرا بەرچوونى و  
بچوئىكبوونى د حوكمىدا نىنە.

---

۳- ئەگەر ژنى بچويك بوو و خوين نهديت،  
(هندەك جارەن ئەقە چيدبیت)، وی وهختی هەما  
دی ئیکسەر سەری خو شۆت و نقيژان کەت.

۴- ژن هەر وهکی زانا دبیزن پتر ژ چل روژان  
خوينی نابینیت ژ بچويکبوونی، یان ژ بەرچوئی،  
بەلی ئیمامی شافعی دبیزیت: دبیت بگههیتە (۶۰)  
روژان ژى، بەلی باراپتر ژ ژنان چل روژان پتر  
خوينی نابینن.

و باراپتر ژ ژنان دبیزن: هەر وهختی ژ چل  
روژان بووری ییت زیدە نائینە هەژمارتن ژ نیفاسی،  
و دی سەری خو شۆت و ئەحکامیت پاقزبوونی  
پيگيری پی کەت، بەلی گەلەك ژن ژ بەر ناقی  
چلی یان (چلکان)، گەلەك خو قەدهیلن و گیرۆ  
دکەن و نقيژان ناکەن هەتا چل روژ ب سەر قە  
نەچن، بەلی ئەقە یا خەلەتە. یا پيدقییه ژن یا

---

---

هشيار بيت چلك هندی ناگههينيت كو چل رۇژان  
ناچيبيت نقيژان بكهت، بهلكى رومان ژى ئەو  
دبيت هندەك هەتا چل رۇژان قەمينن.

۵- (سەروبه رەكى نە بەر ئاقل) وەختى چل  
رۇژىت ژنى ب دويماهى دئىن چل بەرگان  
دەهەلگريت و ب سەرى خۇ دادكەت وەختى سەرى  
خۇ دشۆت، فى تشتى ژى چو بو نينه و يال سەر  
ژنى ئەو بەس سەرى خۇ بشۆت و چو بەرگان  
ناهەلگريت و چو بو فى چەندى نينه.

پسيار: ئەرى ئەو خوينان ژن بەرى چەند

رۇژەگان دبىنيت بەرى بچويكبوونى چ خوينە؟

بەرسف: ئەو خوينان ژنا ب حال دبىنيت بەرى  
بچويكبوونى ب رۇژەكى يان ب دوو رۇژان، و نيشان  
هەين وەكى ژانىت بچويكبوونى، ئەو خوينان چلکا و  
نيفاسى يە ژن نقيژان تيدا ناکەت. بەلى ئەگەر

---

بەرى بچوئىكبوونى ب چەند روژان دىت و چو  
نیشانىت ھندى نەبن ئەفە خوينا بچوئىكبوونى يە،  
نائىتە ھەژمارتن خوينا چلکان و بى نقيژىيى، و  
ژن دى بەردەوام بيت د نقيژىت خودا.

پسىار: ئەرى ئەگەر ژنا ب حال خوین دىت ئەو  
عادىيە يان نە؟

بەرسف: باراپتر ژ زانايان د گەل ھنديئە ژنا ب  
حال خوينا عادى نابىنىت و ئەگەر خوینەك دىت و  
ئەو يا ب حال ئەو نە خوينا عادى يە و نائىتە  
ھەژمارتن عادە و دى نقيژ و عىبادەتى خودا كەت.

پسىار: چ بو ھەيە ژنا چلكدار دەرئەكەفىت  
ئەگەر ئەجنە دى ھلنگىفن؟

بەرسف: چ بو قى چەندى نىنە، و چ جھى بقىت  
بچىتى و كەنگى ژنا چلكدار دشىت بچىتى.

---

## ئەھكامىيەت عادى (بى نقيزىيى) و نيفاسى

### ( بچويكبوون و بەرچوونى )

۱- ھەر وەختى ژن بکەڧىتە د کراسى عادى و بچويكبوونىدا، نابىت نقيزان بکەت و روژىيان بگريت، بەلكى نە دورستە و ھەرامە د قى كراسيدا روژى و نقيزان بکەن، و ئەو روژىيەت ژى دچن دى بو خو گريتەڧە بەلى نقيزان ناکەتەڧە، ژ بەر چ؟: ژ بەر كو ئىسلامى دلوقانى و رەحم يا پى برى، ژ بەر كو ھەر ھەيڧى چەند روژان دكەڧىتە د قى كراسيدا و ھەر ھەيڧ ئەگەر نقيزىت ژى چووين بکەتەڧە ئەڧە دى يال سەر گران بيت و زەحمەت بيت. بەلى روژى سالى جارەكە، و زەحمەت تىدا نينە. ل سەر قى چەندى، پسيار ژ دەيكا مە موسلمانان

---



(عائشا) ییٰ هاتہ کرن: ئہریٰ بوچی ژن د کراسیٰ  
عادیٰ نقیڑیٰ ژیٰ چوین ناکہ تہ قہ، بہ لیٰ روژیان  
دگری تہ قہ، ئینا گوت: وہختیٰ ئہم ژیٰ دکہ قتیٰ نہ د  
فی کراسیدا پیغہ مبهریٰ (ﷺ) فہرمانا مہدکر ئہم  
نقیڑان نہ کہینہ قہ و روژیان بگری نہ قہ<sup>(10)</sup>.

۲. وہختیٰ دکہ قتیٰ د فی کراسیدا، چوٰنا زہلامی  
بو نقینا ویٰ یا حہرامہ و نہ دورستہ مہ خسد  
جہیٰ نامویس و شہرہ فیٰ ییٰ حہرامہ، دہلیل و  
نیشان گوتنا خودیٰ یہ: ﴿

(11) ﴿

ئانکوو پسیرا بیٰ نقیڑیٰ ییٰ (چوٰنا نقینا ژنیٰ د  
بیٰ نقیڑیٰ ییٰ) ژ تہ دکہن (ئہیٰ موحممہد) بیڑہ:

---

10 موسلمیٰ قہ گپرایہ.

11 سؤرہ تا ئہلبہ قہرہ، ئایہ تا : ۲۲۲ .

بى نقيزى (نقىنا ژنى د بى نقيزىييدا) زيان و ئيزايه، نه چنه نقىنا ژنى د بى نقيزىييدا و نيزيك نه بن (مه خسه د نه چنه نقىنا وى) هه تا پاقر دبيت. پسيار: باشه ئەگەر زهلام چۆ نقىنا ژنا خو د قى

كراسيدا كا چ ل سهر زهلامى يان ژنى دچيت؟

ئەگەر هەردوو يان زانى، دقيت ژن ريكي نه ده ته زهلامى، و زهلام ب خو ژى بلا و نه كهت.. ئەگەر زانى و ب دلى هەردوو يان نقىن چي بوو، ئەفه وان گونه هه كا مه زن كر و ژ كه بائيرانه، و دقيت بو خو ته و به بكه ن و جاره كا دى نه زقرنه قى چهندي.

ئيمام ئەحمەد د بيژيت: ئەگەر بزانيت نه دورسته و حه رامه و ديسا بكه قيته تي دا دقيت بو خو ته و به بكه ت و سزا ژى دكه قيته سهر كو كه فاره ته، ئەو ژى ديناره ك يان ژى ني ف ديناره دى

---

کهته خیر، مهخسه د ژی دیناری زیرییه ئهوی ل  
سه ر وی وهختی دهاته ب کارئینان.

باشه پا ئه گهر خهلهت بوون و ههر دوویان  
نه زانی کو چه رامه؟

وی وهختی (ان شاء الله) چو گونه ه ل سه ر وان  
نینه، به ئی پیدقییه وهختی دزانن بو خو تهوبه  
بکهن و جاره کا دی ئی نه زقرن.

۳- ژنا شویکری بهس جهی نامویسی ب تنی  
نابیت زهلام نیزیک ببت وهکی دی ژن یا پاقره و  
چو ژ لهشی وی پیس نابیت، خو جلیکت وی ژی،  
بهس ئه و جلیک نه بیت ئهوی خوین مایه پیقه و  
جلیکی دی ئهوی ل بهر، ههمی یی پاقره و ب عادی  
و نیفاسی پیس نابن.

★ پسار: ئه ری ئه و جهی خوین ماییه پیقه ژ  
جلیکان، چه وا دی پاقر بیت؟

---

ئەف پىيارە ژ پىغەمبەرى (ﷺ) ھاتە كرن، گۆت:  
(جلك دى ئىتە شويشتن پشتى ھىنگى دى ئىتە  
پەرخاندن).

ئەگەر پشتى پەرخاندنى شوينوارەك و  
دەككەنەك ما ب جلكىفە و ژىقەنەبوو چو نىنە  
جلك يى پاقزە و شەرت نىنە ھەكى بەرى  
بىزقريتەفە.

★ ئەرى خزمەتا وى چەوايە؟ و دورستە دەستى  
خۇ بکەتە د تىتاندان؟

دورستە د خزمەتا مالیدا بيت و د ناف مالى بيت  
و بچيت، و چو تىت ژ لەشى وى يى پيس نىنە،  
عائىشا (رضي الله عنها) دىيىت: من ھەستى دەھلگرت  
ھەلبەت د كراسى بى نقيىزىيىدا و من گۆشت ژ  
ھەستى فەدكر و پاشى دا ھەستى دەمەف

---

پيغهمبەرى، دا ئەو ژى دەقى خۇ دانينە وى ئەردى  
يى من دەقى خۇ دانايە سەر.

يان ژى دا ئاقى قەخۆم و دا دەمەق پيغهمبەرى،  
دا دەقى خۇ دانينە جەى من دەقى خۇ دانايە  
سەر (12).

ھەر وەسا عائىشا دىبىژىت: ئەز يا دقى كراسىدا  
بووم، پيغهمبەرى سەرى خۇ دانا سەر كۆشا من و  
من سەرى وى شەدكر و سەرى وى د كۆشا مندا (13).  
۴. لەشى ژنا شويكرى ژ بلى جەى شەرەقى يى دى  
ھەمى بۇ زەلامى يى حەلالە، بۇ وى ھەيە بۇ خۇ  
خۆشى يى پى بىتە.

---

12 موسلمى قەگىرايە.

13 موسلمى قەگىرايە.

---

عائِشا (رضي الله عنها) دبیژیت: ئەز د گەل  
پێغەمبەری بووم، و ئەز د کراسی بی نقیژییدا  
بووم، بەلی ئەز و ئەو ل سەر ئیک نقین دنقستین.  
بەلکی عائِشا زیده دکەت و دبیژیت: ئەگەر  
خوینا من گەهشتبا جلاکیت پێغەمبەری بەس ئەو  
جە ب تنی دشویشت و پستی هینگی ئعتیادی نقیژا  
خۆ دکر<sup>(14)</sup>.

۵- ئەگەر خوینا ژنا شویکری راوەستیا دقیت  
بەری زەلام بچیتە نقینا وی ئەو سەری خۆ بشۆت  
هەر وهکی باراپتر ژ زانایان وه دببێژن.

۶- ژنا د عادیدا د (چلکان) دا دشییت دەرکەفیت بو  
مزگەفتی روژیت جەژنی، بەلی نقیژی ناکەت و  
ناچیتە د جەلی نقیژیقه، د نافە حەوشا مزگەفتی

يان دەر قەي حەوشا مزگەقتى دى گۈھدانا خوتبا  
عەيدى كەت، ھەرۈەكى پيغەمبەرى (ﷺ) گەلەك  
تەئكىد ل سەر قى چەندى كرى.

۷- (خواندنا قورئانى) ھندەك زانا دىيژن:  
ناچىبىت د قى كراسيدا ژن قورئانى بخوينىت، د  
گەل رىز و رومەت گرتن بۇ قى بۇچۇنى.. بەلى  
بۇچۇنا فەرموودەيىت پيغەمبەرى (ﷺ) پشتگىرىيى  
بۇ دكەت كو بۇ ژنى دورستە د قى كراسيدا  
قورئانى بخوينىت.

ئىمام مالك و ئىمام ئەحمەد د بۇچۇنەكا خۇدا،  
و ئىمامى شافعى د بۇچۇنەكا خۇدا دىيژن: دورستە  
ژنا د عادىدا يان د چلكاندا قورئانى بخوينىت.

دىسا د بۇچۇنا ( ) دا ژى دورستە قورئانى  
بخوينىت، دىسا ئىمام بوخارى ژى د گەل ھندى يە

---

دورسته ژنا دعاديډا قورئاني بخوينيت<sup>(۱۵)</sup> ژ بهر کو  
ئەگەر ژى نەهاتە دورستکرن دى گەلەك زيان قى  
کەفیت و دبیت ھندەك، ھەمى ھەيقان پازدە رۇژان  
ئانکوو نيقا ژىيى خو بکەقنە د قى کراسيدا، ئەرى  
چەوا يا دورستە نيقا ژىيى خو يا دویر بیت ژ  
قورئاني؟!.

ئەو کەسیت دورست نەکەن قى فەرموودەيى  
دکەنە نیشان و بەلگە )

( بەلى پا ئەف فەرموودەيە نەيا  
دورستە<sup>(۱۶)</sup> . ھەروەكى ئبن ئەلقەيم وە ئبن  
ئەلتەيمييه و شەوکانى دبیژن ژ بەر کو  
(ئیسماعیلى کورى عەياشى د ريکا فەگوهاستنا قى  
فەرموودەيیدا و ئیمام ئەحمەد و ئمامى بوخارى و

---

15 تحفه الاحوژی / ۱ / ۲۴۹.

16 بنیره : نیب الرايه / ۱ / ۲۷۸ و جعیف سنن التردى يا ئەلبانى ب ۱۳.



یه حیایی کوری مه عینی د دهره هقی ویدا دبئیژیت:  
حه دیسیټ وی ههمی ئه ویټ ژ حیجازیان و  
عیراقیان فه دگوهیټیت نه د دورستن<sup>(17)</sup>.

دیسا به لگه و ده لیلی وان یی دووی قیاسه ل سهر  
جه نابه تی. به لی دیسا ئه قیاسه یا له وازه و ب کیږ  
نائیت ببیته به لگه ل سهر نه دورستکړنا خواندنا  
قورئانی، چونکی جه نابه ت وهکی عادی نینه و د  
گه له ک تستاندا فیجا چه وا وهکی ئیک دئینه  
هه ژمارتن:

أ پاقژی ژ جه نابه تی د دهستی مروقیداییه و  
عاده و چلک نه د دهستی ژنیداییه. و هه تا روژیټ  
وی ب دویمایه نه ئین نه شیټ خو پاقژ که ت.

ب . دورسته د عاډیدا ئیجرامان بو حه جی یان  
عومری گریډهت و ل عه رهفی راوهستیت، بهلی یی  
ب جه نابته ناچیبیت.

ج . جه ژنان ب جه نابته ناچیبیت بیته  
مزگهفتان و گوهدانا خوتبی بکته، بهلی ب عاده  
چیدبیت ههروهکی پیغه مبهری (ﷺ) گوتی.

۸- دورسته ژن حه بان بخوت دا عادا خو گيرو  
بکته نه خاسمه هه یفا ره مه زانی دا روژی ییت خو  
بگریت یان وهختی حه جی، دا حه جا خو ب  
دویماهی بینیت ب مەر جی هندی ئه گهر زیانی  
نه گه هینتی.

۹- بو خیره پارچه یه کا پاته ی یان په مبی بدهته  
بهر خوینی، دا خوین نه که قیت.

---

۱۰. ل سەر ژنی نینه د راکرنا عادئ و چلکاندا  
کهزیییت خو فەکهت، بهئ ئەگەر فەکهت چیتره  
بهئ نهکوو ئەرکه و دقئیت فەکهت.

۱۱. بهئ پا دقئیت ئاف بگههته ئاف پرچی  
ههمیئی.

عەبدوللایی کورئ عومەری دگۆته ژنان بلا  
پرچا خو فەکهن، ئەف ئاخفتنه گههسته دهیکا مه  
موسلمانان (عائیشا)یی ئینا گۆت: عەبدولا چەندی  
ئەنتیکەیه دبئرتە ژنان کهزیییت خو فەکهن، وللا  
ژ فەستا نابئرتئ: سەرئت خو بتراشن، و پاشی  
دبئرتت: من و پیغەمبەری پیکفە سەری خو  
دشوشت هەما بەس ئاف مه ل سەری خو دکر و  
کهزیییت خو فەنه دکر<sup>(18)</sup>.

۱۲- دیسا پیدقییه بزانیته ئه و وهختی ئه و  
سهری خو دشوت دقیت چ تشت ل سهر لهش و  
دهست و نینوکیته وی نهبن کو نهیلن ئاف بگههته  
همی لهشی، نهگهر تشتهك ل سهر لهشی بیت دی  
بیژین وهکی سوبغا نینوکان و نههیلته ئاف بچیه  
لهشی و ئافل سهر بتهحسیت، وی وهختی ئه و ژ  
عادی دهرناکهفیت، و دهه جارن سهری خو بشوت  
پاقژ نابیت و نفیژیت وی د دورست نابن.

۱۳- نهگهر ژن یا ب جهنابهت بیت و بهری سهری  
خو بشوت کهفته د عادیدا چ ل سهر نینه ئه و  
ئیکسهه سهری خو بشوت و دشیت ب ئیکجار  
ههردووین ب سهر شویشتهکی راکهت.

---

## خوينا ئستيحازى

خوينا سىيى يا ژن دبىنيت دبىژنى ئستيحازه:  
ئەو خوينا يا بەردەوام ژن دبىنيت پشتى وەختى وى  
يى ئاشكەرا دبۆریت، بۆ نموونە ئەگەر عادا وى پىنج  
رۆژ بن، ھەيشەكى بگەھىتە دەھ رۆژان. ئەو پىنج  
رۆژىت زىدە ئستيحازەنە. يان وەختى جارا ئىكى خوينا  
دبىنيت ژى نەراوہستيت ديسا ئەوژى ئستيحازەيە.  
قىچا دقىت ژن گەلەكا شارەزا و ئاقل بيت و ژىك  
جودا بکەت، چونكى ھەر خويناكى حوكمى خو يى  
ھەي، بۆ ئستيحازى سەرى خو ناشۆت و نە ئەركە  
بشۆت، بەلى ھەر نقيژەكا فەرز دى دەستنقيژەكى بۆ  
گریت و ھەتا نقيژا دى دئيت دشيت ھندى بقىت  
سونەتان ب وى دەستنقيژى بکەت و بلا خوينا ژى  
ببىنيت کارتیکرنى ناکەتە سەر دەستنقيژا وى، بەلى  
ئەگەر وەختى نقيژەكا دى يا فەرز ھات دقىت  
دەستنقيژەكا نوى بۆ بگریت و ھەر ھۆسا.

---

## رېكيت ناسينا عادى ژۇستىجازى

۱- ئەگەر ژنى عادا خوۋ زانى، و عادا وى يا ئاشكەرا بيت، ھند روژان دى خوۋ گريت و پاشى دى خوۋ شوۋت و نقيژان كەت، بەلگە و نیشان بەحسى ژنەكى بوۋ پيغەمبەرى ھاتەكرن كو ژنەكا ھوسا يا ھەى گەلەك خوينا وى دئيت، پيغەمبەرى (ﷺ) گۆت: (بەرى ھينگى چەند روژان دما، بلا ھند ژ ھەيفى خوۋ بگريت، پاشى بلا سەرى خوۋ بشوۋت و نقيژيت خوۋ تيدا بكەت)<sup>(۱۹)</sup>.

۲- ب زانينا رەنگى خوينا ئەگەر روژيت خوۋ نەزانيت كا چەندن ب رەنگى خوينا دببیت بزانيت، خوينا عادى يا رەشە، ھندى خوينا يا رەش بيت دى خوۋ گريت و ئەگەر ژ رەشى دەرکەفت بوۋ رەنگەكى

دی، وی وهختی ژ عادی دهرکهفت و بی نقیژی ب دویمای هات، و کهفته د ئستیحازیډا و دقیت سهری خو بشوت و نقیژیّت خو بکهت.. بهلگه و نیشان ل سهر قی چهندي، پیغمبهري (ﷺ) گوته فاتیمایا کچا ئه بی حوبهیشی دهمی هاتییه دهف پیغمبهري، و گوتهیی: (ئه ز پاقر نابم؛ خوین ههر یا دئیت ئه ز چ بکه م) ئینا پیغمبهري گوتهیی: (خوینا عادی یا ئاشکه رایه یا ره شه، ئه گهر ژ وی رهنگی دهرکهفت رامانا وی ئه وه تو ژ عادی دهرکهفتی، دقیت سهری خو بشوی و نقیژیّت خو بکهی)<sup>(۲۰)</sup>.

۳. ئه گهر روژیّت خو نه زانیت و چ ژ رهنگی زی نه زانیت، وهکی کچا ژ نوی بالغ بووی، و ئهف خوینه دیت و نهراوه ستیا. و ژ نوی دبینیت نه روژان

دزانیت نه چو ژ رهنگی دزانیت کو ژیک ببهته  
دهری، ئەفه خوینا عادئ یه یا رهشه و ئەفه یا  
ئستیحازی یه رهنگهکی دییه.. وی وهختی ئەو دی  
بهری خو دهتی کا باراپتر ژنیت وی دهقهری  
نهخاسمه ژنیت نیژیکی وی ژ خویشک و دوتمام و  
کەس و کاران کا چەند دەمینن و روژییت وان  
چەندن، هەند دی خو گریت و نقیژان تیدا ناکەت،  
پشتی هینگی دی سهری خو شوت و نقیژان کەت و  
خەم نینە بلا خوین هەر یا بەردهوام بیت حمنا  
دشا پیغەمبەری (ﷺ) دبیژیت: ئەز هاتمه دهق  
پیغەمبەری، ل مالا خویشکا من بوو زهینهبی، من  
گوئی: حال و مەسەلەیییت من ئەفەنه (کو  
بەردهوام هەمی هەیفی ئەز خوینی دبینم، و  
ناهیلیت ئەز نقیژ و روژییان بگرم.. فیجا توچ  
فەرمان ل من دکەه؟).. ئینا پیغەمبەری گوئی:

---



(بۆچى تو پەمبى ب كارنائىنى، بەلكى خوينى  
بگریت)، گۆت: پترە ژ ھندى گۆت: (باشە پاتەيەكى  
بيخە بەر) گۆت: ژ ھندى پترە، گۆت: (جلكەكى دى  
بكە بەر خو)، گۆت: ژ ھندى پترە خوينا من گەلەك  
دئيت. ئينا پيغەمبەرى (ﷺ) گۆتى: (ئەز دوو  
تشتان دى بۆ تە بيژم ھەچىيا تو بكەى دورستە و  
تو چيتر دزانى، ئەفە تشتەكە ژ شەيتانى دقيت  
رۆژيت ژنان ل بەر بەرزەكەت (يا پيدقىيە ئەم بۆ  
شەيتانى نەھيلىن) شەش رۆژان ئان ھەفتان خو  
بگرە پاشى سەرى خو بشۆ و بيست و سى رۆژان يان  
بيست و چاران و ب شەقيت وانقە نقيژ و رۆژىيان  
بگرە<sup>(21)</sup>.

## نە حکامیت ئستیجازی

- ۱- پشتی ژن ژ عادی دەر دکه فیت ئیک جار دی سهری خو شوت، و بلا خوینا وی هەر بمینیت.
  - ۲- بو نقیژان ئەگەر خوینا وی یا بەردەوام بیت و نەراوەستیت هەر نقیژەکا فەرز دی دەستنقیژەکا نوی بو گریت و بلا د ناقبەرا دەستنقیژی و نیقژی خوینی ژی بینیت، دەستنقیژا وی ناشکیت<sup>(22)</sup>..
- بەلگە ل سەر قی فەرموودەیا پیغەمبەرییە (ﷺ)
- ئەوا (بوخاری) فەگوهاستی ( )
- مەخسەد نقیژیّت فەرزەن. بەلی پیدفییە د وەختی نقیژیّدا بیت نە بەری وەختی.

---

<sup>22</sup> بوخاری فەدگیبیت و دبئییت: هندوکان دگی کراسیدا تەست د دانا بن

خو و نقیژ دکر.

۳- پیداییه هەر جارەکا دەستنقیژی دشۆت،  
جەئ خوینی بشۆت و پاتەیهکی بیخته بەر.

۴- نقینا وئ یا دورسته و بلا خوینا وئ هەر  
بهیت هەر وهکی ئبن عەبباس دبئزیت ل دویف  
قهگیرانا (بوخاری).

۵- ژنا ب ئستیحازه یا پاقره و دشیت هەمی  
عیبادهتان بکەت و پی راببیت (نقیژ، روژی،  
ئعتیکاف، ساخرنا شهفیت پیروژ وهک )  
(... هتد).

پسیارهک: ئەگەر ژنا ئستیحازه دەستنقیژا خو  
شویشت و پشتی هینگی ئیکسەر د دویفدا خوین  
هات کا دی جارەکا دی دەستنقیژا خو شۆتهفه؟  
بەرسف: نهخیر دەستنقیژا وئ ناکهفیت و دی  
نقیژا خو کەت، و ئەگەر خو ل سەر شهملکی  
خوینی ببینیت نقیژا خو ناراوہستینیت.

---

ھندەك كراسيٲ دى ژى يٲت ھەين ۋەكى قى

دئٲنە حسيٲكرن:

۱- ئەگەر ژنى ئيٲشا (سلس البول) ھەبىت كو

دەستنقىژا زراف خۆ تى نەگريت و بەردەوام

بىينىت.

۲- يان ژى غازات ھەبن.

۳- يان ژى ئيشەك ل جھى دەستنقىژى ب خۆ

بىت ھەر ئاف تى بهٲت.

د قان سەروبەراندا ژى دىسا دى ھەر نقىژەكى

دەستنقىژەكى بۆ گريت.

---

## چەۋانىيا خۇشويشتنى بۇ جەنابەت و عادى و چلكان

۱- دقيت ئنيەتى بينيت كو ئەف سەرشويشتنه بۇ  
راكرنا چيه.

۲- دقيت ئاف بگههيتە هەمى لەشى و ئەگەر سى جار  
لەشى خۇ بشوت خيترە، و جارەك ب تنى بەسى وى يە.  
۳- چيترە بەرى ئافى ل سەرى خۇ بکەت  
دەستنقىزا خۇ بگريت.

۴- نە مەرجه ژن پرچ و کەزىيىت خۇ فەکەت  
ئەگەر ئاف بگههيتە بن هەمى پرچى.

۵- نابيت چ تشت ل سەر لەشى يان نينۆکان بيت،  
نەهيلييت ئاف بگههيتە هەمى لەشى.

۶- يا باشە بيئخوشىيەكى يان موعەقەمەكى ب  
كاربينيت.

---

ژیدەر"

.

.

.

.

.

.

.

.

.

.

.

.



## نافەرۆك:

- ۳ ..... ديارى
- ۴ ..... پيشگوتن
- ۶ ..... بو ژنى ب تنى
- ۱۰ ..... جوينيت خوينى
- ۱۴ ..... ژىيى چهندي ژن خوينى دبينيت
- ۱۶ ..... نيشانيت بالغبونا كچى
- ۱۸ ..... رهنكى خوينا عادى
- ۲۲ ..... خوينا عادى چهند روژان قهدكىشيت
- ۲۴ ..... ئهري روژيت ههمىيان هندی ئيكن
- ۲۵ ..... چهوا ژن دى روژيت خو زانيت
- ۲۸ ..... ئەگەر ژ عادى خو پتر خوين ديت
- ۲۹ ..... ئەگەر روژيت خو نه زانين
- ۳۰ ..... دى ب چ زانيت ژ بى نيقرىيى دهركهفت
- ۳۱ ..... هندهك تيبينى د گهل پاقرىيى
-

۳۴	ئەرى رۆژ بەلاڧە دېن .....
۳۵	خوينا بچوېكبوونى .....
۳۶	ئەڧ خوېنە چەند دمېنىت .....
۴۰	ئەحكامىت عادى و بچوېكبوونى .....
۵۳	خوينا ئستىجازى .....
۵۴	رىكىت ناسىنا عادى ژ ئستىجازى .....
۵۸	ئەحكامىت ئستىجازى .....
۶۱	چەوانىيا خوشوېشتنى .....
۶۲	ژىدەر .....

---